

[ԱՄԵՆԱՅՆ ՀԱՅՈՑ ԿԱԹՈՂԻԿՈՍ ՎԱԶԳԵՆ Ա-ԻՆ]

Մեծարգո Վեհափառ,

Մի առիթով Ս. Էջմիածնի ատենապետ սրբազան Ն. Պոզապայանը անձամբ ինձ ասաց, որ Երևանում կկառուցվեն էլի ուրիշ եկեղեցիներ: Սրբազան Գ. Ներսիսյանը դեռ անցած աշնանը առաջարկում էր Զվարթնոցը կառուցել Աբովյան քաղաքում:

Մայրաքաղաք Երևանում Սուրբ Գրիգորը հիմնադրելուց հետո, նույնպիսի հիմնադրումներ եղան Աբովյան քաղաքում և Երևանի Դավիթաշենում: Երկու դեպքում էլ ակնարկ չեղավ, որ այդ երկու հնարավոր տեղերից մեկնումեկում նկատի է ունեցվում Զվարթնոցը:

Իմ մեջ ակամայից այն տպավորությունն է ստեղծվում, որ որոշ շրջաններում հանիրավի խորշում են Զվարթնոցի անունը լսելիս: Եթե այդ այդպես է, ստացվում է, որ ես այլևս առիթ չունեմ Զվարթնոցի նախագծի առավել մանրամասները մշակելու:

Մինչև Ամենայն Հայոց Կաթողիկոս Վազգեն Ա-ին ներկայացնելը՝ Զվարթնոցի ըստ Թորամանյանի վերակազմության իմ ներկայացրած նախագծի գծագրերը կատարված էին մատիտով: Ճարտարապետական խմբին քննության ներկայացնելու համար անհրաժեշտ էր այդպիսիք տուշել, ներկել, այնուհետև հիշյալ խմբի հանձնարարությամբ կատարել լրացուցիչ փոփոխություններ և մշակումներ, որը և իմ կողմից արվել է ժամանակին:

Ստորև բերում եմ կատարված աշխատանքների ցանկը.

Առաջին հերթի աշխատանքները (տուշվել և ներկվել են)

1. Տաճարի 1-ին աստիճանի 1-ին հարկի հատակագիծը (1մ x 1մ)
2. Տաճարի 1-ին աստիճանի 2-րդ հարկի հատակագիծը - ,, -
3. Տաճարի 2-րդ աստիճանի հատակագիծը - ,, -
4. Տաճարի 3-րդ աստիճանի հատակագիծը - ,, -
5. Տաճարի արևմտյան ճակատը
6. Տաճարի պայմանական կտրվածք
7. Վերնահարկ բարձրանալու աստիճաններ (լայնական կտրվածք)
8. Վերնահարկ բարձրանալու աստիճաններ (երկայնական կտրվածք)
9. Մեկ խաչաթևի մեծաչափ հատակագիծը
10. Տաճարի արևելյան ճակատի դրվագը

Երկրորդ հերթի աշխատանքներ (վերամշակումներ)

1. Հոգևոր անձնակազմի համար սպասարկող սենյակների հնարավորության ստեղծումը (հատակագծեր, կտրվածք)
2. Շինության տարողության մեծացման տարբերակներ.

Ա տարբերակ – 1800 հոգու տարողությամբ

1-ին հարկի հատակագիծ
Վերնահարկի հատակագիծ
Բ տարբերակ – 2400 հոգու տարողությամբ
1-ին հարկի հատակագիծ
Վերնահարկի հատակագիծ
Գ տարբերակ – 2700 հոգու տարողությամբ
1-ին հարկի հատակագիծ
Վերնահարկի հատակագիծ
Ներքնահարկի հատակագիծ
Նոր կտրվածք

Առաջին հերթի աշխատանքների կատարողը իմ կոմից լիովին վարձատրվել է 1000 ռ. գումարով: Երկրորդ հերթի աշխատանքները կատարել են անձամբ, որ պետք է գնահատել ևս 1000 ռ.:

Եթե Ս. Էջմիածինը ինձ հանձնարարի կոնկրետ որևէ տեղի համար շարունակել Զվարթնոցի գծագրերի մշակումը, ապա ես կարող եմ հրաժարվել վերոհիշյալ 2000 ռ. պահանջից:

Մեծարգո Վեհափառ, խնդրում եմ Ձեր որոշումը:

04. 09. 1990

Ճարտարապետ (Տ. Մարության)